



pravosudna mreža  
BOSNE I HERCEGOVINE  
правосудна мрежа  
БОСНЕ И ХЕРЦЕГОВИНЕ  
justice network  
OF BOSNIA AND HERZEGOVINA



forum građana tuzle



Helsinški odbor za ljudska prava  
u Republici Srpskoj

# NEWSLETTER BILTEN

*Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.*

| Broj 34. |

## NOVOSTI

### Unapređenje menadžerskih vještina u upravljanju sudom i nesudskim osobljem za efikasniji i kvalitetniji rad sudova

Dvodnevna radionica „Unapređenje menadžerskih vještina u upravljanju sudom i nesudskim osobljem“ završena je danas u Tuzli. Radionicu je organizovalo Visoko sudsko i tužilačko vijeće Bosne i Hercegovine (VSTV BiH) u okviru Projekta unapređenja efikasnosti sudova i odgovornosti sudija i tužilaca u BiH- faza II (projekt ICEA) kojeg finansira Vlada Švedske.

Svrha radionice je bila unapređenje procesa rada u sudovima s fokusom na unapređenje rada nesudskog osoblja za što brže i kvalitetnije obavljanje zadataka i radnih procesa. Švedski stručnjaci predstavili su švedski sistem rada sudova, podjelu administrativnih dužnosti između sudova u Švedskoj i Sudske administracije Švedske, dužnosti predsjednika i direktora u većem i manjem sudu u Švedskoj.



CENTRI CIVILNIH INICIJATIVA  
ЦЕНТРИ ЦИВИЛНИХ ИНИЦИЈАТИВА



Centar za promociju civilnog društva



USAID  
FROM THE AMERICAN PEOPLE

Razgovaralo se i o trenutnoj situaciji sudova u BiH odnosno unapređenju trenutne organizacije rada i zadataka vezanih za budžet, finansije, operativne planove u sudu, održavanje zgrada, osiguravanje tehničkih sredstava i sigurnosti suda kao i upravljanju ljudskim resursima.

Radionica se realizovala u okviru projektne saradnje sa Sudskom administracijom Švedske, okružnim sudovima u Švedskoj i sudovima u Bosni i Hercegovini koja će doprinijeti kraćem trajanju postupaka, smanjenju zaostataka, smanjenju troškova suda kroz racionalnije korištenje ljudskih resursa, te istovremeno postizanju bolje motivacije svih zaposlenih u sudovima.

Predavači na radionici su bili Ove Lindstrom, predsjednik Okružnog suda u Borasu i Marit Bergendahl, sudija Okružnog suda u Göteborgu. Aktivno učešće u radu radionice uzeli su predsjednici, sekretari i osoblje Okružnog suda u Bijeljini, Osnovnog suda u Bijeljini, Kantonalnog suda u Tuzli i Općinskog suda u Tuzli.

Preuzeto sa: [www.pravosudje.ba](http://www.pravosudje.ba)

### **Održani seminari za pravosudne institucije „Savremeno komuniciranje s javnošću“**

Dva jednodnevna seminara na temu „Savremeno komuniciranje s javnošću“ održana su 5. oktobra u Sarajevu i 23. oktobra 2017. godine u Banja Luci. Seminare je organizovalo Visoko sudsko i tužilačko vijeće Bosne i Hercegovine (VSTV BiH) u saradnji s centrima za edukaciju sudija i tužilaca FBiH i RS-a u okviru projekta „Konsolidacija i dalji razvoj pravosudnog komunikacijskog i informacijskog sistema“ kojeg finansira Evropska unija iz programa IPA 2013.

Seminari su dio širih aktivnosti koje VSTV BiH provodi u oblasti unapređenja transparentnosti rada pravosudnih institucija putem kvalitetnije saradnje sa predstavnicima medija. Seminarima se željelo ukazati na važnost i uticaj odnosa s javnošću na kreiranje mišljenja javnog mnijenja o pravosuđu, a kroz praktične radionice učesnicima omogućiti da steknu neophodne vještine za saradnju sa novinarima.

Brojni predstavnici pravosudnih institucija su pokazali interes za učešće na seminarima i edukaciju u ovoj oblasti, vjerujući da je to jedan od načina da se građanima približi način i rezultati rada sudova i generalno, unaprijedi reputacija pravosuđa u BiH.



U prvom dijelu seminara predstavljene su osnove strateškog komuniciranja s javnošću i medijima, reaktivni i proaktivni pristup u odnosima s javnošću kao i uloga i značaj odnosa s javnošću u sudovima. Drugi dio bio je posvećen razvijanju odnosa sa medijima i predavljanju praktičnih savjeta za pripremu informacija za javnost, komunikacijskim taktikama u odnosima s javnošću te praktična vježba i savjeti prilikom pripreme za intervju. Na kraju seminara, učesnici su imali priliku upoznati se sa osnovama kriznog komuniciranja i naučiti kako reagovati u kriznim situacijama.



Seminari su bili namijenjeni prvenstveno predsjednicima sudova, zamjenicima predsjednika, sudijama, sekretarima suda, glasnogovornicima/službenicima za informisanje, koji žele poboljšati komunikaciju i saradnju s medijima i korisnicima sudova te povećati pristup pravdi i transparentnost pravosuđa u BiH.

Predavači na seminarima u Banja Luci i Sarajevu bile su Maja Đaković-Vidović, službenik za informisanje-portparol Okružnog tužilaštva u Banja Luci i Sanela Tunović-Bećirović, nezavisni stručnjak iz oblasti komunikacija i odnosa s javnošću iz Sarajeva.

Preuzeto sa: [www.pravosudje.ba](http://www.pravosudje.ba)

